



SHARING SESSION JSKM 2021

Fadzilawani Astifar Alias

Pada 9 September 2021 jam 3.00 petang, telah berlangsungnya Sharing Session JSKM 2021 anjuran Unit Latihan dan Kepimpinan, Jabatan Sains Komputer dan Matematik (JSKM), UiTM Cawangan Pulau Pinang. Program tahunan ini diadakan bertujuan untuk berkongsi dan bertukar idea, pengalaman serta mendapat ilmu baru serta mendengar pengalaman staf yang lain sama ada dalam bidang kerja ataupun aspek peribadi. Di samping berkongsi ilmu, program ini juga turut menggalakan staf untuk bergiat aktif dalam penulisan, penerbitan dan inovasi.

Program dimulai dengan ucapan aluan oleh puan pengerusi majlis dan bacaan doa. Seramai lima orang pembentang yang terlibat dalam sesi pembentangan ini iaitu pembentang pertama ialah Wan Anisha Wan Mohamad dengan tajuk pembentangan beliau ialah SIRT- Smart Interactive Review Tools. Pembentang kedua ialah Siti Nurleena Abu Mansor dengan tajuk pembentangan An Insight into Epidemic Model. Pembentang ketiga ialah Mohd Saifulnizam Abu Bakar dengan tajuk pembentangan Google Certified Educator Fundamentals. Pembentang keempat ialah Mohd Syafiq Abdul Rahman pula membentangkan Photoshop in 10 minutes dan pembentang terakhir ialah Azlina Mohd Mydin dengan tajuk pembentangan beliau ialah Khasiat Minuman Herba - Air Lemaju.

Program ini telah dijalankan secara atas talian melalui platform Google Meet sebagai medium utama. Seramai 33 orang peserta yang terdiri dari staf Jabatan Sains Komputer dan Matematik telah hadir dalam program berkenaan. Dengan adanya program ini dapat menaikkan lagi semangat semua staf dalam melibatkan diri dalam penulisan, penerbitan dan inovasi. Sesi perkongsian ilmu ini diharapkan dapat diteruskan lagi pada tahun tahun yang seterusnya. Program tamat pada jam 4.30 petang.

